

R. G. ADAMS

*Questo libro composto di libretti
trentanove ha un gran valore.*

*Il suo più gran pregio consiste nella
lettera di Cristoforo Colombo in lingua
Spagnola.*



Thomas Randolph Adams

The John Carter Brown Library




GIFT OF

Thomas R. Adams

The John Carter Manuscript Library

MS. A. 9.2

James R. Adams



12
PETRI. MAGNI
ORATIO

IN. FVNERE. ALEXANDRI
FARNESII. S. R. E.
CARDINALIS

IN. EUMDEM. ELEGIA
Francisci Bencij e Societate Iesu.



SVPERIORVM PERMISSV.

Rome, Apud Vincentium Accoltum, in Burgo.
M. D. LXX XVIII.

PETRI MAGNI
ORATIO

IN. EVERETT. ALEXANDER
FARNESE. S. R. E.
CARDINALS


Faint handwritten text at the bottom of the page.

MSJC8

2757104 V. 1 RM. 22A



PETRI·MAGNI
ORATIO
IN·FVNERE·ALEXANDRI
FARNESII·S·R·E·
CARDINALIS



VNQVAM existimaui Patres Amplissimi futurum, vt de Farnesij Cardinalis laudibus agēti verba deessent. Nam qui orbē terrae vniuersum splendore sui nominis & beneficētia peragravit: quem patronum prouinciae, nationes, ecclesiae innumerabiles agnoscebant: ad quem reges maximi suis in rebus arduis confugere solebant: eius laudum etsi difficilius exitū, quam initium reperias: tamen cum cogito tam salutare terris lumen extinctum: quibusdam quasi tenebris ingenij mei vires obruuntur: vt nec quid dicam, nec quemadmodum dicam satis expedire possim. Non est ea nobis animi firmitas, vt eloquentiam dolor excitet. opprimit potius, & si quid est in me facultatis, infringit: meq. ad agendum omnino inutilem reddit. Conemur tamen: acerbitemq. luctus officij necessitas vincat. Quando enim in tam beneficū Principem grati erimus,

P E T R I . M A G N I

mus, si non illi extremum hoc quidquid est muneris persoluemus? Nec vero commemorandis maiorum laudibus tempus teram; nec Farnesiae gentis decora e priscis annalibus eruam. Hoc faciendum esset, si apud Indos, aut Persas, non apud vos dicerem P. A. tamen si nullam esse opinor nationem tam immanem & barbaram, quae nobilitatem Farnesiae gentis ignoret. Illud vnum non silebo: nullam umquam in hac vrbe familiam pietate, ac perpetua in Christi Vicarios obediētia Farnesiis Principibus praestitisse. quamquā enim illi semper egregiis belli pacisq. artibus floruerunt: hac tamē virtute praecipue gloriātur. Ex hac familia ortus Alexander Farnesius Petri Aloisij Ducis F. Pauli III. Pontificis N. annum agens quartum decimum ab auo in ordinē Cardinalium legitur. Eam dignitatem non desidiaē occasionem, sed ad omnia praeclara studia capeffenda stimulum ratus, mirum quam breui profecerit in optimis disciplinis, praesertim in iis, quae ecclesiasticos homines decent. Saepe enim dicere solebat, nec milite ignauo, nec clerico litterarum ignaro quidquam turpius. Erat Paulo III. Pontifice collegium Cardinalium, vt & hodie, refertum summis viris, atque omni virtutum genere praestantibus. Fuit enim Paulus in legendis patribus miro delectu. quippe intelligebat, honores & munera ecclesiastica, quorū ipse distributioni à Deo praepositus fuisset, bona esse totius Christianae reip. communia, in iisque tribuendis habendam esse rationem omnium, qui in orbe Christiano sunt, omniumque spectari merita oportere. Itaque viros lectissimos vndique conuocarat, Polum, Contarenum, Bembum, Sodoletum, Sfondratum: Ceruinum item, atque Carafam, quorum vterque deinde Pontificatum alius post alium adeptus est. Sed & Bartholomeum

O R A T I O

meum Caualcantem vltro accersuit, atq. in intimis consiliariis habuit virum doctrina, eloquentia, ciuili prudentia, nobilitate clarum. Horum Farnesius ac talium virorum consuetudine fruebatur. ad horum exemplum fingere se studebat. horum vocibus eius aures personabant. Ac rerum quidem earum, quae certa ratione & arte traduntur, doctores habuit in litteris omniq. honesta disciplina illius aetatis facile Principes. prudentiam vero non solum assiduo maximarum rerum vsu, ac prudentissimorum hominum consuetudine adeptus est, sed multo etiam magis admirabili sapientissimi Pontificis institutione. Is vt quidque notatu dignum acciderat, obseruationes ac praecepta quaedam, & velut axiomata nepotis auribus instillabat: quae saepius vsurpata si non artem constituunt, certe non multum ab arte distant. Hoc adiumento Farnesij diuinum ingenium, quam paucis longa aetas contulit, eam breui sibi parauit, in iuuentute prudentiam. Nam quo pacto res tantas, tanta cum laude, tam adolescens agere potuisset, nisi ad excellentem naturam excellens institutio accessisset? Vix dum enim vicesimum annum attigerat, cum Legatus ad Carolum Caesarem missus est, ad comprimendam Gandauenſium seditionem in Belgas expedito itinere properantem. Toto illo in itinere cum Farnesio Caesar de rebus grauissimis ad remp. pertinentibus egit, sine vlllo internuntio, sine interprete. Hinc iuuenis indolem ac potius absolutam virtutem atque prudentiam admiratus dixisse fertur, Collegium Cardinalium si ex talibus viris constet, profecto senatum similem nusquam gentium reperiri. Atq. ex eo tempore Carolus maiorem in modum Pauli III. sapientiam suspicere coepit: cum quantus ille vir esset, ex eiusmodi nepotis institutione cognouisset. Franciscus

P E T R I . M A G N I

scus praeterea Galliarum rex & aliis virtutibus, & animi magnitudine insignis, cum Imperatorem Carolum & Farnesium Legatum Lutetiae Parisiorum apparatu regio accepisset: in tot maximorum principum congressu ab vno Farnesio nunquam oculos deiecit. tanta illi morum suauitas inerat, in sermone hilaritas, in actione dignitas & verecundia, in vultu maiestas, in verbis fides. Nec minimam fuisse causam existimo Henrico Francisci F. Galliarum regi, Dianae filiae Horatio Farnesio despondenda, perspectam in fratre indolem. Biennio post aliam legationem obiit amplam & honorificam. Missus enim a Paulo III. Pont. Max. cum Carolo V. Imperatore & Ferdinando Romanorum rege Vornatiae congreditur; de quo bello Lutheranis inferendo sic egit, ut continuo decerneretur. Deinde anno interposito, cum Paulus Pontif. Carolo Imperatori aduersus haereticos bellum gerenti magna Italorum auxilia mitteret, Legatus tertio in Germaniam proficiscitur, cum Ostauio fratre, Parmae & Placentiae principe, earum copiarum duce. Ibi cum principibus & militaribus viris de bello consultationibus intererat: cumque Caesaris rogatu, quid quaque de re sentiret, & ipsi dicendum esset: praefatus modestiae suae consentanea, ita de singulis differebat, ut omnes in suam sententiam traheret. Nam in Alexandro Farnesio Cardinali a prima adolescentia ad ultimam senectutem, fuit, ut plerique nostis, acerrima quaedam, & velocissima vis ingenij, ut & de futuris callidissime coniceret, & de praesentibus verissime indicaret. Ac mihi quidem in praeclaras eius actiones intuenti, haec interdum cogitatio subit animum. quibus cum illi res fuit, fuisse reges omnium maximos, potentissimos, rerum gestarum gloria florentissimos. tempora, si vnumquam alias, diffi-

O R A T I O

difficilia ac turbulenta, ardente bello Italia, Germania, Gallia, prouinciis aut fluctuantibus, aut haereticorum fraude distractis. cui Pontificatum quindecim annorum, si ad publicam vtilitatem referas, modicum; si cum aliis conferas, diuturnum. interea Farnesium omnia gubernasse. Legationes omnes aut ipsum obisse, aut quibus voluerit detulisse. ad auum, atque ab auo per ipsum omnia prouinciarum ac principum negotia manasse. vt quodammodo cuncta consensisse, & quasi conspirasse videantur ad eius prudentiam consummandam. Quid de iustitia, ceterisque virtutibus dicam? Mitto urbanam hanc iurisdictionem, quae quamquam fere omnis a magistratibus pendet, mire tamen illum anxium ac sollicitum habebat, minacis illius dicti memorem, Non esse malum in ciuitate, quod non faciat dominus. A nullo autem genere hominum tantopere cauebat, quam ab iis, qui nouo quodam nomine, postremis reip. temporibus repero, cognoscendis criminibus interfunt, qui putant e fontium pecuniis aerarium augere, id praecipuum esse regentiū munus. hos ille suspectissimos habebat, praesertim si quem eorum animaduenterat e paupere diuitem factum. Omnes autem nouimus, quam acerbè inerepare solitus sit, si quis eorum, quorum ille in iudiciis causisque disceptandis opera utebatur, munusculi quid acceperat. Hominibus autem Farnesiae ditionis, etiam rusticis atque humilibus, non solum atria, porticus, ambulationes, coenacula, sed & interiora ac secretiora cubicula, magis quam cuiquam familiarium, patebant. Est humanitas, peculiaris ac propria Farnesiorum principum virtus. alii duram prouinciam nacti sunt, quicumque aliquando, illis in administranda parte quapiam reipubl. successerunt. Testis est, vt alia omittam, Aug-
nion en-

P E T R I . M A G N I

nionenſium ciuitas: qui Farnesij clementiam, aequi-
tatem, ac ſingularem humanitatem experti, ſummis
ad caelum laudibus tollunt. Venio nunc ad vberem
illum atq. inexhauſtum liberalitatis & beneficentiae
fontem. Heic nouum atque inauditum difficultatis
in dicēdo genus experior P. A. Nam ceteri, qui igno-
ta atque admirabilia huc interdum afferunt, in eo la-
borant, vt ea quae dicunt, indubitata vobis & vera
videantur. mihi labor omnis in eo uerſatur, vt quae
ſcitis, quae vidiftis, quae ſaepius experti eſtis, ea
dicendo conſequi poſſim, neu minor atque aridior
expectatione veſtra oratio videatur. quod omnino ta-
men euenire mihi neceſſe eſt. Quis enim tanti princi-
pis benefacta aut verbis aequauerit, aut digne lauda-
rit? Quis vñquam fando enumeret, quantos ille pau-
perum atque egentium aluerit greges? quot viduas
ſuſtentarit? quot orborum puerorum millia ſuis ſum-
ptibus educarit? quot virgines dotarit? quot honeſtas
familias humanarum rerum viciffitudine in rei fami-
liaris anguſtiā lapſas erexerit? quot viros nobiles à pa-
tria exulantes, & religionis cauſſa profugos victu,
veſtitu, rebusque neceſſariis iuuerit? quot iuuenibus,
vt honeſto litterarum otio fruereſcentur, alimenta prae-
buerit? quoties ingentē captiuorum numerum à Tur-
carum ſeruitute liberarit? quot aureorum millia quo-
tannis in pios uſus erogarit? Vereor in hac parte diu-
tius immorari, ne, quod ille celare ſtuduſit, oſtenta-
re videar. Quid verbis opus eſt? Farnesij beneficen-
tiam, quo te cumque verteris, tot aedificia, tot ſacra-
rum aedium ornamenta, huius ipſius templi parietes
loquuntur. omnis ordo, omnis aetas, vniuerſa ciui-
tas vno ore teſtatur. Vidiftis, cum corpus efferretur,
vt ipſa ſibi luſtrum, vt ipſa ſibi iuſtitium indixerit? fo-
ra omnia, plateas omnes, omnia templa, reliqua om-
nia

ORATIO

nia templa, reliqua omnia vrbis loca deserta, præter
vnam viam, qua funus ducebatur? Vidistis, qui fletus,
quae lacrymae, quantum populi desiderium, quae
frequentia hominum, qui concursus? Audistis, quae
voces, qui gemitus querentium splendorem curiae,
praesulum decus, orbis terrae lumen extinctum. ac-
clamations omnium, patrem patriae, parentem pau-
perum appellantium? Quando vnumquam tale aliquid
vidimus? Atque utinam ut hoc vidimus, sic & bea-
torum spirituum choros mortales oculi cernere po-
tuissem: quibus ille comitantibus, laudesque Deo
canentibus, e corporis vinculis in caelestem patriam
euolauit? profecto spectaculum illud multo vehemen-
tius nostrum omnium oculos, mentesque rapuisset.
Quantam enim fuisse putandum est ex hac accessione
illarum beatarum mentium voluptatem? Nam si e-
xeunte ex Aegypto Israelitarum populo, montes e-
xultarunt ut arietes: si homine vno poenitentiam a-
gente caelum gaudio exultat: qua laetitia caelum
ipsum, omnesque caelites exiluisse credimus, tanto
sacerdote in beatorum illud perenne domicilium tran-
seunte? Nihil igitur eius nomine doleamus. nil iam
de Farnesio demissum aut humile cogitemus. vitae
potius beatissimae recordatione tanti viri desiderium
leniamus. Quid enim boni contingere vlli poterat,
quod non illi abunde contigerit? qui magnis princi-
pibus ortus, quales ipse, quantosque principes reli-
querit, scitis. qui cum primum per aetatem licuit,
honores amplissimos ita gessit, ut egregiis actionibus
partam gloriam nulla vnumquam abolere possit obli-
uio. qui quam ab ineunte aetate, virtutis, pruden-
tiae, pietatis expectationem concitaret, eam quoti-
die magis magisque superauit, idque ad extremum,
eundemque beatissimum vitae diem. Quid erat, quod

B illi

PETRI MAGNI ORATIO

illi amplius optaremus? An vt nobiscum perpetuo maneret? at hoc nec ius fasque est, nec naturae consentaneum, nec faxit Deus, vt ipsi heic perpetuo maneamus, vitaeq. huiusce semper fluctibus agitemur. Quando igitur ei iusta persoluimus, nihil est quod illum amplius lugeamus. mortui lugeant mortuos suos. Nos autem quibus haec quae dicitur mors, immortalis est vitae initium, dum in hoc curriculo versamur, vt subeuntes portum solemus, faustis illum acclamationibus, quod ad huc fecimus, prosequamur: eiusque labores honestissimos imitemur, vt & praemia consequamur. Sic & voti compotes erimus, vt cum illo perpetuo viuamus. quod & eius facta recolentes assidue cum illo erimus, & ex huius vitae carceribus emissi, vbi ad calcem venerimus, cum eo perenni ac semipiterno aeuo fruamur.





IN . F V N E R E

A L E X A N D R I

F A R N E S I I

C A R D I N A L I S

F R A N C I S C I . B E N C I I

e S o c i e t a t e I E S U

E L E G I A



*EDITE iam lacrimae: via iam
laxata querelae est:*

*Vox properat tardas non bene pas
sa moras.*

Carceris angusti longum indignata re

Sat memor officij, non memor ipsa modi: (cessu,

Turbida vox properat, septo velut aggere torrens

Ut sibi praeclusum per vada pandit iter:

Murmure se rauco primum increpat: impulit vna

Impetus: & tandem qua data porta ruit:

Tum strepitu ingenti conantia sistere frangit,

Fertur, & indomitas in mare portat aquas.

Magnus Alexander Farnesius occidit: eheu

Heu, moriens secum gaudia quanta tulit.
Non hominum timuit iustus obistere votis
Mors fera, & infestas inycere ausa manus.
Et tacita haec spectem lingua? nec verba profundat
Cum sonitu, innumeris mens labefacta malis?
Hoc bene, non soli querimur: iacet obrita luctu
Urbs pia, praereptam quae sibi poscit opem.
Romulidum iacet omne genus. Causa una dolendi
Omnibus: haud vnus profluit ore dolor.
Hic dolet, in rebus se quod circumspicit arctis:
Hic quia subsidio deficiente cadit.
Hic ruit in gemitus, plenis quod nubilis annis
Filia, sedem humilem progeniemq. grauat.
Huic lacrimae ex oculis, quem vexat morbus. At illi
Est quia pauperiem prodere voce pudor.
Illa viro mulier, prolesq. orbata parente,
Nunc deserit sibi, visaq. sola sibi.
Pro se quisque suum certat vulgare dolorem,
Fleibus & mistis omnia maestamadent.
Pars bona nobilium, Romanae quod decus vrbis
Occidit, & Laty gloria facta minor.
Hinc velut indictum communi in clade, recentis,
Iustitium, & luctus, signa dedere mali.
Ducitur insigni lugubris funere pompa
Per fora, nigranti symmate, perq. vias.
Te quoque caelestis iubar immortale Senatus
Terruit extincta lux radiata face.
Ordinis ille cui princeps, quem saepe solebas

Consu-

Consulere, ut subito decidit interitum.
Exiit hoc nitidum visu mutata ruborem
Purpura. maerentes nam decet iste color.
Sic ferrugineos par est imitari hyacinthos,
Heu modo funestae tristia signa domus.
Funerei flores inscripti nomina regum,
Et gemitus (eheu non latuere) notas.
Vos ego, vos olim, terrestria sidera, sed nunc
Lilia in aetheriis sedibus esse putem.
An quia cognatum repetit sua pignora caelum,
Et color e summis arcibus ille venit?
An quod Alexander caelo intulit? Illius auctus
Plenior est Superum nobiliorq. chorus.
Despicit hinc longe terrarum lubrica regna,
Quae meruisse magis, quam tenuisse iuvat:
Nec minus & veteres gaudet spectare clientes,
Et diuina illos promptior auctat ope.
Hinc precibus iuvat effusis, quas protegit oras,
Utraque quas pelago diuidit Hesperia.
Huius & auxilio simul & Germania tuta es,
Et plaga frigenti qua micat Ursa polo.
Te quoque, Belgarum domitor, noua gloria belli,
Adspiciens propius, qua valet arte, fouet.
Tu proauo & patruo laetus cognomine, tendis
Fortia Pellaei vincere facta ducis.
Ille tibi e celso plaudit sublimis Olympo,
Inq. tua aeternum suscitauit arma Deum.
Non aliter tibi victori iam plauserat idem,
In terris

In terris, hominum cum pater, esse sinit.
Illi Christicolum fuerat res publica curae,
Unus & antiquae religionis amor.
Haec puero pia cura fuit: dein ordine vires
Tempore perpetuas progrediente capit.
Carole tu testis fratris socer inclytus: ad te
Nomine quando adit conspiciendus aui.
Disiectosq. iulit secum per fulmina montes,
Argumentum ingens nominis, atque rei.
Tu testis Franciscæ animis inuicte, supremi
Pontificis subiit cum tua tecta nepos.
Cum similis caelestium ori, maioraq. visus
Est tibi mortali condicione loqui,
Namque rudimenta haec iuuenis Farnesius: illas
Primitias, regum conciliator habet.
Haec tibi Alexander primordia: talis, in usus
Pontificum, tali praeditus arte venis.
Quamquam illi per te, manifesto numine, certe
Non sine te, summum corripuere gradum:
Adiutor tu tanti operis, tu muneris auspex,
Tu bonus auxilio, consilioq. bonus.
Seu Zephyrus placidum sternat mare: seu tonet Au-
Nubilus, & feriant flamina versa ratem: (ster
Tu veluti cautes stas imperterrita ventis,
Ipsa licet fluctus aspera tollat hiems.
Res dubiae mentem non abiecere, secundae
Inflauisse aura non potuere leui.
Tempus virumque vno fers pectore. Conscia tantum
Ipsa

Ipsa sui Virtus, & benefacta valent.
Tu regum magnorum animos curasq. gerebas,
Quorum etiam, rebus vincere quaeris, opes.
Dicite vos Cimini colles, fontesq., lacusq.,
Silvaq. ab inuito iussa virere solo:
Dic sedes vicina vrbi, domus hospita regum,
Deliciae domini, diuitiaeque iui.
Hic vbi iucunda solitus considerare in vmbra,
Curarum a strepitu cum requiescet herus.
Sed cur vos taceam magni de nomine IESU
Vos Capitolinis proxima templa iugis?
Vos maiora vocem terris, aut aemula caelo?
An formam inspiciam, vel magis artis opus?
Vos modo candenti nituistis marmore, & auro:
Nam tholus auratis spirat imaginibus:
Vos, lapis externus, Phrygiis vos ara columnis,
Quaeq. diu admirans limina quisque manet,
Haec ea iam fuerat visendi causa: sed, eheu,
Altera visendi vos modo maior erit.
Venerit huc quisquis, lucentem pronus ad aram
Rite simul Superis fuderit ore preces:
Cetera contemplans, venerabitur ante sepulcrum
Principis, & lacrimans talia dicta dabit.
Magnus Alexander iacet hic Farnesius. An ne
Umquam erit, ut similem postera saecula ferant?

F I N I S.

1. The first part of the report is a general
description of the area. It is a large
area of land, mostly flat, with some
low hills. The soil is mostly sandy
and the vegetation is mostly grass.
There are some small trees and shrubs
scattered throughout the area. The
climate is generally warm and dry.
The population is mostly of the
Negro race. They are mostly
farmers and laborers. There are
some small towns and villages.
The economy is mostly based on
agriculture. The main crops are
cotton and sugar cane. There are
also some small industries.
The transportation system is
mostly by road. There are some
railroads and a few small boats.
The education system is mostly
by school. There are some small
colleges and universities.
The health system is mostly by
hospital. There are some small
clinics and a few doctors.
The social system is mostly by
family. There are some small
clubs and a few organizations.
The culture is mostly of the
Negro race. There are some
small festivals and a few traditions.


A


A V

TT

I

f





~~H598~~
~~N4795~~
~~V. I~~

J595
N4795
V. I

St. John
1804